

普門品全文注音

觀世音菩薩普門品 | 逐字注音校對版 | scripturetw.com

妙法蓮華經觀世音菩薩普門品第二十五
 姚秦三藏法師鳩摩羅什譯
 爾時無盡意菩薩。即從座起。偏袒右肩。合
 掌向佛而作是言。世尊。觀世音菩薩。以何
 因緣。名觀世音。
 佛告無盡意菩薩。善男子。若有無量百千萬
 億眾生。受諸苦惱。聞是觀世音菩薩。一心
 稱名。觀世音菩薩。即時觀其音聲。皆得解
 脫。若有持是觀世音菩薩名者。設入大火。
 火不能燒。由是菩薩威神力故。若為大水所
 漂。稱其名號。即得淺處。若有百千萬億眾
 生。為求金、銀、琉璃、硨磲、瑪瑙、珊瑚
 、琥珀、真珠等寶。入於大海。假使黑風吹
 其船舫。飄墮羅刹鬼國。其中若有乃至一人
 。稱觀世音菩薩名者。是諸人等。皆得解脫
 羅刹之難。以是因緣。名觀世音。
 若復有人。臨當被害。稱觀世音菩薩名者。
 彼所執刀杖。尋段段壞。而得解脫。若三千

普門品全文注音

觀世音菩薩普門品 | 逐字注音校對版 | scripturetw.com

大 千 國 土 。 滿 中 夜 叉 羅 剎 。 欲 來 惱 人 。 聞 其
 稱 觀 世 音 菩 薩 名 者 。 是 諸 惡 鬼 。 尚 不 能 以 惡
 眼 視 之 。 況 復 加 害 。 設 復 有 人 。 若 有 罪 。 若
 無 罪 。 杻 械 枷 鎖 。 檢 繫 其 身 。 稱 觀 世 音 菩 薩
 名 者 。 皆 悉 斷 壞 。 即 得 解 脫 。
 若 三 千 大 千 國 土 。 滿 中 怨 賊 。 有 一 商 主 。 將
 諸 商 人 。 齎 持 重 寶 。 經 過 險 路 。 其 中 一 人 作
 是 唱 言 。 諸 善 男 子 。 勿 得 恐 怖 。 汝 等 應 當 一
 心 稱 觀 世 音 菩 薩 名 號 。 是 菩 薩 能 以 無 畏 。 施
 於 眾 生 。 汝 等 若 稱 名 者 。 於 此 怨 賊 當 得 解 脫
 。 眾 商 人 聞 。 俱 發 聲 言 。 南 無 觀 世 音 菩 薩 。
 稱 其 名 故 。 即 得 解 脫 。 無 盡 意 。 觀 世 音 菩 薩
 摩 訶 薩 。 威 神 之 力 。 巍 巍 如 是 。
 若 有 眾 生 。 多 於 婬 欲 。 常 念 恭 敬 觀 世 音 菩 薩
 。 便 得 離 欲 。 若 多 瞋 恚 。 常 念 恭 敬 觀 世 音 菩
 薩 。 便 得 離 瞋 。 若 多 愚 癡 。 常 念 恭 敬 觀 世 音
 菩 薩 。 便 得 離 癡 。 無 盡 意 。 觀 世 音 菩 薩 。 有
 如 是 等 大 威 神 力 。 多 所 饒 益 。 是 故 眾 生 。 常

普門品全文注音

觀世音菩薩普門品 | 逐字注音校對版 | scripturetw.com

應 心 念 。
 若 有 女 人 。 設 欲 求 男 。 禮 拜 供 養 觀 世 音 菩 薩
 。 便 生 福 德 智 慧 之 男 。 設 欲 求 女 。 便 生 端 正
 有 相 之 女 。 宿 植 德 本 。 眾 人 愛 敬 。 無 盡 意 。
 觀 世 音 菩 薩 有 如 是 力 。 若 有 眾 生 恭 敬 禮 拜 觀
 世 音 菩 薩 。 福 不 唐 捐 。 是 故 眾 生 。 皆 應 受 持
 觀 世 音 菩 薩 名 號 。
 無 盡 意 。 若 有 人 受 持 六 十 二 億 恒 河 沙 菩 薩 名
 字 。 復 盡 形 供 養 飲 食 衣 服 臥 具 醫 藥 。 於 汝 意
 云 何 。 是 善 男 子 善 女 人 。 功 德 多 不 。 無 盡 意
 言 。 甚 多 。 世 尊 。 佛 言 。 若 復 有 人 。 受 持 觀
 世 音 菩 薩 名 號 。 乃 至 一 時 禮 拜 供 養 。 是 二 人
 福 。 正 等 無 異 。 於 百 千 萬 億 劫 不 可 窮 盡 。 無
 盡 意 。 受 持 觀 世 音 菩 薩 名 號 。 得 如 是 無 量 無
 邊 福 德 之 利 。
 無 盡 意 菩 薩 白 佛 言 。 世 尊 。 觀 世 音 菩 薩 。 云
 何 遊 此 娑 婆 世 界 。 云 何 而 為 眾 生 說 法 。 方 便
 之 力 。 其 事 云 何 。

普門品全文注音

觀世音菩薩普門品 | 逐字注音校對版 | scripturetw.com

佛告無盡意菩薩。善男子。若有國土眾生。
 應以佛身得度者。觀世音菩薩。即現佛身而
 為說法。應以辟支佛身得度者。即現辟支佛
 身而為說法。應以聲聞身得度者。即現聲聞
 身而為說法。應以梵王身得度者。即現梵王
 身而為說法。應以帝釋身得度者。即現帝釋
 身而為說法。應以自在天身得度者。即現自
 在天身而為說法。應以大自在天身得度者。
 即現大自在天身而為說法。應以天大將軍身
 得度者。即現天大將軍身而為說法。應以毘
 沙門身得度者。即現毘沙門身而為說法。應
 以小王身得度者。即現小王身而為說法。應
 以長者身得度者。即現長者身而為說法。應
 以居士身得度者。即現居士身而為說法。應
 以宰官身得度者。即現宰官身而為說法。應
 以婆羅門身得度者。即現婆羅門身而為說法
 。應以比丘、比丘尼、優婆塞、優婆夷身得
 度者。即現比丘、比丘尼、優婆塞、優婆夷

普門品全文注音

觀世音菩薩普門品 | 逐字注音校對版 | scripturetw.com

身而為說法。應以長者、居士、宰官、婆羅
 門婦女身得度者。即現婦女身而為說法。應
 以童男、童女身得度者。即現童男、童女身
 而為說法。應以天、龍、夜叉、乾闥婆、阿
 修羅、迦樓羅、緊那羅、摩睺羅伽、人、非
 人等身得度者。即皆現之而為說法。應以執
 金剛神得度者。即現執金剛神而為說法。
 無盡意。是觀世音菩薩。成就如是功德。以
 種種形。遊諸國土。度脫眾生。是故汝等。
 應當一心供養觀世音菩薩。是觀世音菩薩摩
 訶薩。於怖畏急難之中。能施無畏。是故此
 娑婆世界。皆號之為施無畏者。
 無盡意菩薩白佛言。世尊。我今當供養觀世
 音菩薩。即解頸眾寶珠瓔珞。價值百千兩金
 。而以與之。作是言。仁者。受此法施。珍
 寶瓔珞。時觀世音菩薩。不肯受之。無盡意
 復白觀世音菩薩言。仁者。愍我等故。受此
 瓔珞。

普門品全文注音

觀世音菩薩普門品 | 逐字注音校對版 | scripturetw.com

爾時佛告觀世音菩薩。當愍此無盡意菩薩。及四眾、天、龍、夜叉、乾闥婆、阿修羅、迦樓羅、緊那羅、摩睺羅伽、人、非人等。故受是瓔珞。即時觀世音菩薩愍諸四眾。及於天、龍、人、非人等。受其瓔珞。分作二分。一分奉釋迦牟尼佛。一分奉多寶佛塔。無盡意。觀世音菩薩。有如是自在神力。遊於娑婆世界。爾時無盡意菩薩。以偈問曰：世尊妙相具。我今重問彼。佛子何因緣。名為觀世音。具足妙相尊。偈答無盡意。汝聽觀音行。善應諸方所。弘誓深如海。歷劫不思議。侍多千億佛。發大清淨願。我為汝略說。聞名及見身。心念不空過。能滅諸有苦。假使興害意。推落大火坑。念彼觀音力。火坑變成池。或漂流巨海。龍魚諸鬼難。念彼觀音力。波浪不能沒。或在須彌峯。為人所

普門品全文注音

觀世音菩薩普門品 | 逐字注音校對版 | scripturetw.com

推墮。念彼觀音力。如日虛空住。或被惡人
 逐。墮落金剛山。念彼觀音力。不能損一毛
 。或值怨賊繞。各執刀加害。念彼觀音力。
 咸即起慈心。
 或遭王難苦。臨刑欲壽終。念彼觀音力。刀
 尋段段壞。或囚禁枷鎖。手足被杻械。念彼
 觀音力。釋然得解脫。呪詛諸毒藥。所欲害
 身者。念彼觀音力。還著於本人。或遇惡羅
 刹。毒龍諸鬼等。念彼觀音力。時悉不敢害
 。若惡獸圍遶。利牙爪可怖。念彼觀音力。
 疾走無邊方。
 蚺蛇及蝮蠍。氣毒煙火燃。念彼觀音力。尋
 聲自迴去。雲雷鼓掣電。降雹澍大雨。念彼
 觀音力。應時得消散。眾生被困厄。無量苦
 逼身。觀音妙智力。能救世間苦。具足神通
 力。廣修智方便。十方諸國土。無刹不現身
 。種種諸惡趣。地獄鬼畜生。生老病死苦。
 以漸悉令滅。

普門品全文注音

觀世音菩薩普門品 | 逐字注音校對版 | scripturetw.com

真觀清淨觀。廣大智慧觀。悲觀及慈觀。常
 願常瞻仰。無垢清淨光。慧日破諸闇。能伏
 災風火。普明照世間。悲體戒雷震。慈意妙
 大雲。澍甘露法雨。滅除煩惱焰。諍訟經官
 處。怖畏軍陣中。念彼觀音力。眾怨悉退散
 。
 妙音觀世音。梵音海潮音。勝彼世間音。是
 故須常念。念念勿生疑。觀世音淨聖。於苦
 惱死厄。能為作依怙。具一切功德。慈眼視
 眾生。福聚海無量。是故應頂禮。
 爾時持地菩薩。即從座起。前白佛言。世尊
 。若有眾生。聞是觀世音菩薩品自在之業。
 普門示現神通力者。當知是人功德不少。
 佛說是普門品時。眾中八萬四千眾生。皆發
 無等等阿耨多羅三藐三菩提心。